



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

14. De puero Iudæo, qui cum reliquias Eucharistiæ percepisset, mirificè in igneo & cande[n]ti furno saluus conseruatus est.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

ians, iunguntur coelestia terrenis, terrena coelestibus, mortalibus immortales: pro tãta gratia, diuinitus mortalibus collata, immortales gratulantur.

Niceph. Callistus Ecclesiast. histor. lib. 17. cap. 25. de puero Iudeo, qui cum reliquias Eucharistiae percepisset, mirifice in igneo & candenti furno saluus conseruatus est.

CAP. XIIII.

ANthimo episcopali throno in vrbe Imperiali deiecto, & Mena pro ipso ab Agathone Papa electo atque consecrato, miraculum quoddam Constantinopoli, dignum quod memoretur accidit. Consuetudo à multo tempore Imperanti vrbi fuit, vt cum plusculum de partibus immaculati diuini-que corporis Domini, & Dei & seruatoris nostri IESV CHRISTI reliquum esset, sacerdotes pueros incorruptos, ex eis qui ad præceptores in ludum literarium eunt, accerferent, qui ieiunij reliquias eas ederent. Quod quidem mihi quoque sæpenumero, quum puer admodum essem, & maximè prima ætate in sacris ædibus versari studio haberem, contigit. *Reliquie Eucharistiae pueris, innocuis Constantinopolitani dari solite.*

Tale quiddam sub Mena quoque Patriarcha euenit. Cum pueris ad id delectis, puer quoque viri religione Iudæi, vitro conficiendo vitam tolerantis aggregatus est. Puer is, vbi diutius ultra solitam horam moratus, domum venit, & causam tardioris reditus parentibus diligentiùs eum inquirētibus, quod scilicet cum *Puer Iudæus qui reliquias S. Eucharistiae percepserat, mirifice in igneo et candenti furno saluus conseruatus.*

ali-

alijs pueris in q̄de sacra diuinas partes edisset, renunciauit. Pater re noua audita, furore percitus, fornacem vbi vitrum conformabat, succendit, & puerum arreptum, in eum prunis flamma suffocata candentem coniecit, ob factum tale iratus: quamuis filius sciens nihil admisisset. Porro mater vbi puerum diutius non comparentem quæsuisset, & non inuenisset, urbē omnem circumijt, perquam acerbè plorans atque lugens: & die tertio ad officinam mariti consistens, ingenti planctu seipsam lanians, prolixiusq̄; ingemiscens, filium vocauit. Atque ille materna voce agnita, responsum è furno reddidit. Tum mater ostio furni fracto, cum miraculo maximo, in medijs prunis puerum stantē vidit, ita prorsus incolumem, vt ne capillum quidem flamma læferit. Et vbi causam incolumitatis quæsiuit, mulierem quandam illustrem, purpurea amictam stola, frequentius ad eum venisse, aquam sibi infudisse, & flammam ea appropinquantem extinxisse, Cibum etiam cum esuriisset præbuisse, dixit. Hæc postquàm Iustinianus cognouit, puerum cum matre diuino regenerationis lauacro adhibuit, Deoq̄ue dicauit. Patrem autem, qui Christianorum sacra suscipere non sustinuit, veluti paricidam, inficum arborem perinde atque in crucem egit.

Puer & mater eius Christianismū suscipiant.

Opta-